

第一編

賈貴榮 駢字騫編

地方志災異
資料叢刊 11



第一編

賈貴榮 駢宇騫 編

地方志災異
資料叢刊 11



國家圖書館出版社

第十一冊目錄

(乾隆)新修曲沃縣志	一
(乾隆)續修曲沃縣志	二九
(光緒)續修曲沃縣志	六七
(民國)新修曲沃縣志	一一一
(民國)襄陵縣新志	一五三
(乾隆)蒲縣志·(光緒)蒲縣續志	一六九
.....	一八三
(民國)洪洞縣志	二〇一
(道光)趙城縣志	二〇一

(道光)太平縣志	二〇五
(光緒)太平縣志	二三一
(道光)直隸霍州志	二六一
(光緒)續刻直隸霍州志	二七三
(同治)浮山縣志	二八五
(光緒)浮山縣志	三一七
(民國)浮山縣志	三五三
(光緒)解州志	三八三
(乾隆)鄉寧縣志	四一三

(光緒)續修鄉寧縣志……………	四二一
(民國)鄉寧縣志……………	四二七
(光緒)大寧縣志……………	四四七
(道光)偏關志……………	四五七
(民國)解縣志書……………	四七一
(乾隆)解州安邑縣志……………	五一五

(光緒)安邑縣續志……………	五二五
(乾隆)解州安邑縣運城志……………	五三五
(光緒)直隸絳州志……………	五四一
(民國)新絳縣志……………	五六三
(民國)聞喜縣志……………	五八七
(光緒)垣曲縣志……………	六〇一

(清)張坊修 (清)胡元琢 徐儲纂

(乾隆)新修曲沃縣志

清乾隆二十三年(一七五八)敦好堂全書本

新修曲沃縣志卷之三十七

知縣 張坊 纂輯

祥異

天道遠。人道邇。非所及也。然古今來言天道者。總驗之於人事。省歲。省月。省日。洪範特重其修於人。人事至。氣化有不應者乎。曲沃都晉以來。石言。地坼。澮絕。汾絕。彗星見。大火下。萬犬聚於絳。左傳竹書紀之詳矣。故孔子作春秋。書災不書瑞。重愛人也。然此指國君而言耳。天水旱凶災。亦何國蔑有。而曰惟后王一身是應。其無乃幽渺遠而難憑。蓋天下應君身一州應方伯。一邑仍應之牧宰。慎毋謂彼郎官耳。乃亦應天象耶。則祈晴禱雨。反風滅火。鳳集鸞降。虎渡河。蝗出境。縣官之異政。遂可以不記。志祥異。

周

成王十一年。禾有異畝同穎。

平王四十一年。辛亥春。大雨雪。

四十八年。戊午。無雲而雷。

桓王十一年。七月壬辰朔。日食。貫中央。上下竟而黃。京房以爲是歲曲沃伯之應。

惠王十三年。九月庚午朔。日有食之。董仲舒劉向以爲晉世子申生之應。

襄王三年。雨金。

二十四年。十二月己卯。晉文公卒。庚辰。將殯於曲沃。出絳。柩有聲如牛。劉向以爲近鼓妖也。將有急怒之謀。以生兵革之禍。

景王十一年。春。石言於晉魏榆。

敬王七年。秋。龍見於絳郊。

二十六年。晉青虹見。

元王六年。晉澮絕於梁。

貞定王三年。乙亥地震。

考王四年。夏四月。大雨雪。

八年。彗星見。

十三年。無雲而雷。冬。桃李實。

威烈王三年。大旱。地生鹽。冬。有大火下於北方。聲如鼓。

四年。夏四月。大雨雪。

二十年。夏五月。有三犬。率犬數萬聚於絳。殺一犬於東方。一

犬於西方。

顯王九年。彗星見。

二十三年。絳中地坼。西絕於汾。

漢

文帝三年。秋旱。

景帝中三年春正月丁亥金木合於觜觿爲白衣之會二月
丁酉彗星見西北色白長丈在觜觿

中五年夏四月水火合於參

元帝初元五年夏四月有星孛於參

哀帝建平元年冬十二月白氣出西南從地上至天出參下
貫天廁如匹練長十餘丈

後漢

章帝建初五年二月戊辰水火俱在參

和帝永元元年正月辛卯有流星起參長四丈有光色黃白
七年二月癸酉金火俱在參

安帝永初六年池水色赤如血

延光三年春三月大風拔木

順帝永建四年霍雨傷稼

六年霍雨傷稼

桓帝建和二年。木連理。

晉

武帝咸寧二年。秋八月地震。

太康元年。春三月霜雹傷桑麥。夏四月雨雹傷禾麥。三豆。

二年。春三月。隕霜害桑。五月雨雹傷禾稼。

惠帝永寧元年。秋七月風雹折木傷稼。

愍帝建興元年。雨血。

四年。大蝗。

劉聰僞建元元年。正月地震。

東晉

穆帝升平五年。天裂。聲如雷。

帝奕太和元年。春二月丙子。月奄熒惑在參。

孝武帝太元八年。夏四月甲子。太白晝見在參。

後魏

太祖天興五年八月天鳴。

六年九月天鳴。

太宗永興三年秋八月月犯歲星在參。

世祖延和元年秋七月大流星出於參。

三年春三月金晝見在參。

五年春三月月行參犯太白。

高宗興安元年十一月己卯日赤如血。

獻文帝皇興元年冬十月月在參蝕。

高祖延興五年正月丁酉白虹貫日有珥一。

承明元年三月辛卯日暈五重有雙珥。

九年正月丁丑月在參暈背觜兩肩。

太和三年正月月暈背參兩肩占曰有赦十月大赦天下。

五年正月庚辰日暈東西有珥南北并白氣一丈廣二尺許。

北有連環暈貫珥內復有直氣長三丈許內黃中青外白。

七年十月有客星大如斗在參東。

二十三年十一月月在畢。暈昴觜參五車。

宣武帝景明二年正月。月暈井觜參兩肩昴五車。

三年冬十二月。月暈參井。

四年三月。犬風拔樹。七月。月犯昴畢參左肩五車。

延昌元年冬十月。月暈東井五車畢參。

二年冬十月。月在參。餗既。

孝明帝熙平元年冬十二月。月暈東井觜參五車。

二年十月。月暈昴畢觜參五車四星。十一月。月暈觜參東井。

正光五年二月。月在參。暈觜參兩肩東井熒惑五車一星。

孝莊帝永安三年夏五月。太白在參。晝見。

節閔帝普泰元年冬十月。金火歲土聚於觜參。

出帝太昌元年十月。月在參。餗。

永熙元年冬十一月。有大流星出昴北東南流。轅畢貫參。光

明照地。其聲如雷。

二年八月。月在畢。暈昴畢觜參。十一月。月在畢。暈昴觜參兩肩。

東魏

孝靜帝元象元年。戊午。大旱。

北齊

武成帝河清二年。夏四月。旱。蟲傷稼。遣官賑恤。十二月。雨雪連月。南北千餘里。平地數尺。

北周

武帝建德六年。冬十月。月連暈規昴畢五車及參。

隋

大業十三年。夏六月。鎮星羸而旅於參。

唐

高祖武德七年。旱。

八年乙酉日食在參。

太宗貞觀十年大疫。

二十一年秋旱。

二十三年秋八月地震冬十一月又震給復二年賜壓死者人絹三疋。

高宗永徽元年旱蝗夏四月己巳地震己卯又震六月庚辰又震。

睿宗景雲二年春正月地震。

明皇開元八年旱。

十二年夏五月旱。

肅宗乾元三年夏四月有彗星色白長四尺東方疾行歷畢昴觜觿參至右執法西凡五十餘日。

代宗大歷二年水。

七年有長星四於參。

十年秋九月。月暈。熒惑畢昴參東及五車。中有黑氣。聚散無定。

德宗貞元元年夏蝗。

憲宗元和十二年夏六月。水害稼。

穆宗長慶元年秋七月。有大流星出參西北。

四年。好舂蟲害稼。六月丙戌。鎮星依歷在觜。觜。歲行至參六度。十一月。熒惑逆行向參。鎮星守天關。

文宗太和元年。好舂蟲害稼。

六年旱。

宣宗大中六年春三月。彗出於觜參。

懿宗咸通六年春正月。大風拔樹。有十圍者。冬十二月。地震。壞廬舍。地裂泉湧。泥出青色。

八年春正月。地大震。壞廬舍無算。

僖宗乾符三年秋。多鼠。穴屋壞衣。

五年秋。大霖雨。汾澮溢流害稼。

中和元年春。霜殺稼。秋旱。

光啓元年秋。大霧。

二年夏。晝陰。積六十日。

昭宗乾寧二年春三月地震。

後周

世宗顯德三年春正月。有星孛於參。

宋

太祖建隆元年十二月。有星青赤色。出參旗。

開寶五年大水。

七年十一月旱。免晉絳等州逋賦。

太宗淳化二年正月。有星經參旗。春旱。冬復大旱。

至道二年秋九月地震。

真宗咸平六年。有彗孛於參。